

Date.....

Our Ref: MTESS/ ADMN/JOIN/ 003

Br/Sr.....

.....

.....

Assalaam alaykum!

**YAH: KUCHAGULIWA KUJIUNGA NA KIDATO CHA KWANZA  
MWAKA 2016**

Shukrani zote zinamstahiki Allah (sw) na rehema na amani zimuendee mtume Muhammad (saw) na wafuasi wake wote.

Nachukua fursa hii kukuarifu na kukupongeza kuwa umechaguliwa kujiunga kidato cha kwanza katika shule hii ya kiislamu ya Mtwara kwa mwaka wa masomo wa 2016

Soma kwa makini maagizo na maelekezo juu ya shule kisha uthibitishe kukubali nafasi hii kwa kulipa ada ya shule kabla ya tarehe 09/Januari/2016. Ada isipolipwa kwa muda uliotajwa nafasi itatolewa kwa mwanafunzi mwingine. Shule itafunguliwa tarehe 09/January/2016 kwa wanafunzi wa bweni na tarehe 11/ Januari/2016 kwa wanafunzi wa bweni.

**Karibu Sana Mtwara Islamic Secondary School**

**Wabillah Tawfiq**

.....

**MKUU WA SHULE**

## 1. UTANGULIZI:

**MTWARA ISLAMIC SECONDARY SCHOOL** ni shule ya Kiislamu inayotazama elimu kuwa ni jambo la kwanza muhimu kwa mwanadamu.

Tunajifunza katika Qur'an kuwa Nabii Adam(a.s) kabla hajaletwa hapa ulimwenguni kwa kazi yake ya Ukhalifa alielimishwa kwanza kuhusu mazingira yake(**Rejea Qur'an 2:31**).Vile vile tunajifunza kuwa Mtume wa mwisho Muhammad (s.a.w)kabla hajaanza kazi yake kubwa ya kuhuisha Uislamu alipewa kwanza amri ya kusoma (**Rejea Qur'an 96:1-5**).

Mtume (saw) akasisitiza kuwa ni faradhi kwa kila muislamu mwanaume na kila muislamu mwanamke kutafuta elimu.Pia Mtume(s.a.w) amesisitiza kuwa elimu itafutwe hata ikibidi kuifungia safari ya mbali(Uchina).

Tunalojifunza kutoka katika Qur'an na hadithi sahihi za Mtume (s.a.w) ni kuwa kwanza elimu ni zana ya kwanza ya msingi ambayo muislamu hana budi kuwa nayo ili aweze kuishi maisha ya kiislamu na awe Khalifa wa Allah(sw) hapa duniani.

Pili,tunajifunza kuwa katika Uislamu hapana ubaguzi wa elimu ya dini na elimu ya dunia.

Kila fani ya elimu inayomwezesha mwanadamu kufikia lengo la kuwa Khalifa wa Allah (s. w.) hapa duniani ni faradhi kwa waislamu.

## 2. LENGU LA SHULE:

**MTWARA ISLAMIC SECONDARY SCHOOL** ina malengo ya jumla yafuatayo:

- (i) Kuwaelimisha na kuwalea vijana wa Kiislamu(wa kike na kiume) ili wawe wataalamu na raia wema watakaotoa mchango mkubwa kwa taifa na umma wa kiislamu kwa ujumla.
- (ii) Kuwaandaa vijana wa kiislamu kuwa viongozi waadilifu na wa kutegemewa na taifa na jamii ya kiislamu kwa ujumla.

Masomo yanayofundishwa ni yale yote yaliyo katika mtaala wa serikali wa masomo ya Sekondari kama yafuatayo;

- |             |                       |                      |
|-------------|-----------------------|----------------------|
| 1. Qur'an   | 2. Maarifa ya Uislamu |                      |
| 3. English  | 4. Kiswahili          | 5. Basic Mathematics |
| 6. Physics  | 7. Chemistry          | 8. Biology           |
| 9. Geograph | 10. History           | 11. Civics           |
| 12. kiarabu | 13. Book keeping      | 14. Commerce         |

### 3. MAHALI SHULE ILIPO.

Mtwara Islamic secondary school ipo mkoani Mtwara katika manispaa ya Mtwara mikindani karibu kabisa na gereza la Lilungu. Usafiri (wa pikipiki na bajaji) unapatikana kutoka eneo lolote la manispaa ya Mtwara kuelekea shuleni.

Ili kufika shuleni fuata barabara ya Newala shuka pacha ya magereza, katika pacha hii kuna barabara ya kuelekea magereza na inayoelekea shuleni kushoto mwa barabara ya magereza. Umbali ni wastani wa nusu kilomita hadi kufika Mtwara Islamic.

### 4. ADA YA SHULE .

#### (a) Wanafunzi wa Bweni

Ada ya shule kwa mwaka ni Tsh **1,400,000/=** (Millioni moja na laki nne tu.)

Ada italipwa kwa awamu mbili au tatu kama ifuatavyo;

#### I. Awamu mbili

Mwezi	kiasi
<b>January</b>	<b>750,000 /=</b>
<b>July</b>	<b>650,000 /=</b>

#### II. Awamu tatu.

Mwezi	Kiasi
<b>January</b>	<b>750,000/=</b>
<b>April</b>	<b>300,000/=</b>
<b>July</b>	<b>350,000/=</b>

#### (b) Wanafunzi wa Kutwa

Ada ni shilingi 500,000/= kwa mwaka na italipwa kwa awamu mbili.

Awamu ya kwanza Januari 300,000/= awamu ya pili Julai 200,000/=.

Ada na michango yote ilipwe kupitia akaunti zifuatazo;

**CRDB A/C No. 0150328705100**

**NMB A/C No. 70610000318**

**NBC A/C No. 034133000017**

**EXIM A/C No. 0020014426**

Jina la akaunti ni **MTWARA ISLAMIC SECONDARY SCHOOL.**

Wakati wa kufanya malipo benki pay in slip iandikwe jina la mwanafunzi kisha iletwe shuleni ili kupatiwa stakabadhi ya malipo.

Hairuhusiwi kufanya malipo yoyote kwa njia za mitandao ya simu kama vile **Tigo pesa, M pesa** na **Airtel Money**.

**MUHIMU:**

- (i) Ada ikishalipwa haitarudishwa kwa sababu yoyote ile.
- (ii) Wazazi wanashauriwa kulipa Ada benki,shule haitahusika kupokea fedha taslimu za ada
- (iii) Atakayelipa ada mapema atakuwa amejihakikishia nafasi.

**5. SARE YA SHULE**

**WAVULANA:**

- 1. Suruali 2 (Kijivu).
- 2. Nusu kanzu nyeupe,mikono mirefu isiyopasuliwa ,yenye utepe wa kijivu kwenye Mfuko wa kifuani.
- 3. Kofia 2 nyeupe zisizokuwa na urembo.
- 4. Viatu vyeusi vya ngozi, unene wa soli ya kiatu usizidi nchi moja(1 inch) na soksi nyeupe

**WASICHANA.**

- 1. Suruali (pajama) 2 rangi ya kijivu.
- 2. Mitandio 2 yenye rangi nyeupe mikubwa ya duara inayofunika kifua na mabega na urefu wa Kufunika mikono.
- 3. Baibui 2 pana na refu zenye rangi ya kijivu lisilopasuliwa.
- 4. Viatu vyeusi vya ngozi jozi mbili (pair 2) vifunike miguu na soksi nyeupe.

**MUHIMU**

- i) Nguo yoyote inayobana au inayoonesha ndani (transparent) au iliyoshonwa kinyume na maagizo haitakubaliwa kama sare ya shule.
- ii) Ni marufuku kwa wanafunzi wa jinsia zote kuvaa mapambo wakiwa shuleni na nje ya shule.
- iii) Ni marufuku kwa wasichana kuwa na poda za rangi, wanja, rangi za kucha, midomo.

**USHONAJI WA SARE**

Ili kuondoa tatizo la kutofautiana kwa rangi za vitambaa na muundo wa sare za shule,**Sare zote zitashonwa shuleni** kwa gharama zifuatazo:-

**WAVULANA:**

1. Suruali 2
2. Nusu kanzi 2  $\longrightarrow$  70,000/=
3. Kofia 2

**WASICHANA**

1. Baibui 2
2. Pajama 2  $\longrightarrow$  70,000/=
3. Ushungi 2

**SARE ZA NJE YA MADARASA.**

Ili kuboresha maadili bora katika mavazi, shule imeweka utaratibu wa mavazi rasmi hata nje ya Madarasa. Wanafunzi hawataruhusiwa kuvaa nguo tofauti. Nguo hizi zitashonwa hapa hapa Shuleni hivyo kila mwanafunzi anatakiwa kulipa pesa Tshs. **70,000/=** (elfu sabini tu). Kwa ajili ya kushonewa nguo hizo. Mwanafunzi ataruhusiwa kuvaa nguo alizotoka nazo nyumbani wiki moja tu ili kuruhusu mchakato wa ushonaji kufanyika. Baada ya muda huo mwanafunzi hataruhusiwa kuvaa mavazi tofauti na sare zilizopangwa.

Hivyo kila mwaafunzi wa bweni atalipa pesa ya sare Jumla ya Tshs 140,000/= kwa ajili ya sare ya wakati wa madarasi na sare za wakati wa jioni(nje ya darasani)

Na kila mwanafunzi wa kutwa(day scholar) atalipia sare 70,000/=

**MUHIMU: Pesa za sare zote zilipwe benki.****VIFAA VYA MASOMO.**

- (i) Madaftari makubwa 14 (counter book Quire 2)
- (ii) Mfuko (bag) kwa ajili ya kuhifadhia madaftari na vitabu
- (iii) Mkebe wa vifaa vya Hisabati (mathematical set) Kwa kuzingatia ughali wa vitabu na umuhimu wake, tunaomba mzazi anunue au achangie kununuliwa kwa vitabu vya masomo yaliyotajwa katika kipengele Na. 2 cha kijitabu hiki.

**7(a) UANDIKISHAJI.**

Siku ya kwanza kuripoti mwanafunzi awe na:

- (i) Utambulisho wa wazazi/walezi wa Mwanafunzi (Kiambatisho A).
- (ii) Utambulisho wa mwanafunzi uliojazwa kwa ukamilifu (kiambatisho B)
- (iii) Maelezo yaliyothibitishwa na daktari kama mwanafunzi ana matatizo maalumu ya kiafya au la.

- (iv) Fomu ya wajibu wa Mzazi/Mlezi (Kiambatanisho C)
- (v) Fedha za kitambulisho **Tsh 5000/=**
- (vi) Jembe 1 kubwa lenye mpini.
- (vii) Rimu ya Karatasi 1 au **Tsh 15,000/=**
- (viii) Fedha ya matibabu Tshs. **40,000/=**
- (ix) Vifaa vya bweni kama vilivyoorodheshwa katika kipengele cha 9 hapo chini.

## **8. MAENDELEO YA DARASANI:**

Mwanafunzi ataruhusiwa kuendelea na kidato kinachofuata kwa kupata wastani usiopungua 41%(Arobaini na moja)katika taarifa yake ya mwaka.Wastani huu unatakiwa upatikane kwa kuzingatia amepata si chini ya Daraja “C” katika masomo yasiyopungua matano (5) - (Credits tano). Masomo ya Qur'an na Maarifa ya Uislamu yanachukua uzito wa pekee hivyo mwanafunzi wa kidato chochote analazimika kuyafanyia bidii na kuhakikisha anafaulu japo kwa daraja C. Mwanafunzi anayeshindwa kufikia kiwango hicho atalazimika kurudia Mtihani (Supplimentary Examination) na akishindwa tena atalazimika kurudia darasa hata kama ana wastani wa 41% au zaidi.

## **09. VIFAA VYA BWENI**

Mwanafunzi anatakiwa awe na vifaa vifuatavyo kwa matumizi yake binafsi;

- (i) Godoro linapatikana shuleni hivyo mwanafunzi aje na tshs. 35,000/= tu kulipia.
- (ii) Shuka mbili za rangi moja zisizo na picha au urembo wowote
- (iii) Taulo, mto na foronya
- (iv) Chandarua cha pembe nne
- (v) Begi au sanduku la kuhifadhia vitabu
- (vi) Ndoo ya kuogea
- (vii) Vyombo vya chakula; sahani,bakuli,kikombe na kijiko (visiwe vya udongo)
- (viii) Sabuni za kutosha za kufulia (za unga) na kuogea

- (ix) Aje na nguo maalum ya kufanyia mazoezi, track na fulana kwa wavulana, track na gauni kwa wasichana.(Gauni na Fulana viwe vya rangi ya bluu)

#### **ZINGATIO:**

Mwanafunzi yeyote mwenye tatizo la chakula fulani (allegry) alete taarifa inayotoka kwa daktari kuthibibisha kuwepo kwa tatizo hilo.

#### **10 (a) KANUNI NA MWENENDO BORA WA SHULE:**

- i) Shule hii ni ya kiislamu hivyo mwenendo wa wanafunzi na wafanyakazi unatakiwa ufuata maadili ya Kiislamu.Yeyote atakayekiuka maadili haya atachukuliwa hatua za kinidhamu.
- ii) Kila mwanafunzi wa shule hii anapaswa kutambua kuwa yupo hapa kwa ajili ya uislamu . Kwa sababu hiyo chochote kilichopo nje ya uislamu hakina nafasi katika shule hii.
- iii) Kila mwanafunzi atakuza pendo lake kwa Allah(s.w) ,Mtume wake,Dini yake na waumini wenzake.
- iv) Pamoja na haki za Muumba zilizo juu ya kila Muislamu,yamwajibikia kila mwanafunzi kumcha Mwenyezimungu ndani na nje ya shule.
- v) Kila mwanafunzi atatumia muda wake vizuri katika kujielimisha kwa ajili ya Allah(sw) ikizingatiwa kuwa kujielimisha kwa ajili ya Allah(sw) ni amri ya kwanza Kwa kila Muislamu.
- vi) Kila mwanafunzi analazimika kuhudhuria vipindi vya kila somo,kuhudhuria “preparation” , kufanya mazoezi, majaribio na mitihani yote itakayotolewa shuleni. Mwanafunzi asiyefanya mtihamu bila sababu yoyote ya msingi atakuwa **AMEJIFUKUZISHA SHULE.**
- vii) Wakati wote wa shule na wakati wa kuja kutoka rikizo au kurudi nyumbani,vazi rasmi ni sare ya shule na kutokuwa na sare katika wakati huo ni kosa.
- viii) Kila mwanafunzi anatakiwa kuvaa mavazi ya kiislamu anapokuwa ndani na nje ya shule .Wasichana wavae nguo za kusitiri mwili mzima isipokuwa uso na vitanga vya mikono (hijabu) .Rejea Qur'an 24:31.
- ix) Ni marufuku kwa mwanafunzi wa jinsia yeyote kuvaa mapambo ya aina yoyote,kufuga kucha,kupaka rangi za kucha,rangi za midomo

,wanja,hina,kunyoa nyusi,kuvaa viatu vya mchuchumio na vinavyotoa sauti ,kukali nywele,kusuka rasta na kadhalika.

- x) Ni marufuku kwa mwanafunzi kuhamasisha au kushiriki mgomo kwa namna yeyote.
- xi) Ni marufuku Mwanafunzi kuonekana kwenye vilabu vya pombe,nyumba za kupangisha wageni( Guest House),kumbi za dansi na sinema.
- xii) Kila mwanafunzi ni mlinzi wa mali ya shule,mali yake binafsi na ya wenzake. Mwanafunzi atakayeharibu au kusababisha mali ya shule kuharibika ama kuibiwa au kupotea atachukuliwa hatua kali ikiwa ni pamoja na kulipa. Hivyo Mwanafunzi atakapogundua wizi wa mali ya shule au ya mwanafunzi mwingine atoe taarifa kwa walimu au viongozi wanaohusika mara moja.
- xiii) Kuiba ni kosa kubwa,Mwanafunzi atakayethibitika kuiba mali ya shule au ya mwanafunzi mwenzake au nje ya shule atachukuliwa hatua za kinidhamu ikiwa ni pamoja na kufukuzwa shule.
- xiv) Mwanafunzi anapokuwa na shida yoyote hapa shuleni aanze kuwaona viongozi wa Wanafunzi na ndipo aende kumwona mwalimu wa zamu au wa Darasa au Walimu wengine wanaohusika. Kama mwanafunzi baada ya kufuata ngazi hizo shida yake haijatatuliwa ,aende kwa Makamu Mkuu wa shule kisha kwa Mkuu wa Shule itakapobidi . Mwanafunzi asishitaki shida yake nje ya shule kabla hajamuona mkuu wa shule.
- xv) Kila Mwanafunzi awe msafi na ahakikishe anashiriki vyema katika usafi wa mazingira ya shule.
- xvi) Wakati wa shule, shule hairuhusu Mwanafunzi kutoka nje ya mipaka ya Shule bila kibali maalumu cha maandishi,na wakati wa mapumziko wanafunzi watabakia eneo la shule,wanafunzi hawatoruhusiwa kwenda nyumbani mpaka wakati wa likizo au mapumziko maalumu.
- xvii) Kupigana ni kosa kubwa.Mwanafunzi atakayepigana atachukuliwa hatua za kinidhamu.
- xviii) Kwa kipindi chote awapo shuleni mwanafunzi atakula chakula cha shule tu. Chakula kutoka nje ya shule hakitaruhusiwa hata siku ya kutembelea wanafunzi.



- xix) Mzazi ataruhusiwa kumtembelea mwanawe katika jumapili ya mwisho katika kila mwezi,mtu yeyote haruhusiwi kumtembelea mwanafunzi isipokuwa kwa ruhusa maalumu ya mzazi na maandishi yenye picha ya mzazi.
- xx) Si ruhusa kwa mwanafunzi kumiliki simu shuleni,akikutwa na simu atakuwa amejifukuzisha shule mwenyewe.mawasiliano ya mwanafunzi na mzazi yatafanywa kupitia waalimu .
- xxi) Baada ya kozi fupi ya kiingereza na kiarabu lugha za mawasiliano kati ya mwanafunzi na mwanafunzi mwenzake ,mwalimu na mwanafunzi ni kiingereza na kiarabu tu kutotumia lugha hizo ni kosa kubwa ambalo shule haitaweza kumvumilia.
- xxii) Ifahamike kuwa nyumba za walimu pia ni nje ya shule, hivyo wanafunzi hawaruhusiwi kuwepo katika nyumba hizo isipokuwa kwa ruhusa maalum.

**10. (b): KUJIFUKUZISHA SHULE MWENYEW:**

Pamoja na maelezo yote hayo Mwanafunzi atakayechupa kwa makusudi mipaka ya Uislamu kwa mfano;kunywa pombe,kwenda kwenye madansi, disko, uzinzi au kukaribia zinaa kwa kuwa na rafiki wa jinsia tofauti (Boyfriend / Girlfriend), kuvuta bangi, kupigana na kutoa matusi,kutosimamisha swala, kuvuka mipaka ya shule bila kibali maalumu na kadhalika, shule haitaweza kumvumilia.

**11. VITABU VYA REJEA:**

Kila mwanafunzi atalazimika kuwa na nakala zake binafsi za vitabu vifuatavyo:-

- (i) Maarifa ya Uislamu kwa shule za Sekondari Kitabu cha kwanza. (vinapatikana kwa gharama ya shs. 9000/=.
- (ii) Msahafu wa tafsiri ya Kiswahili (wa Abdallah Saleh Al Farsy-inapatikana kwa gharama ya Tshs. 15000/=.)
- (iii) Kitabu cha Hisabati (Mathematics Book One).
- (iv) Kamusi ya kiswahili kwa kiingereza.

**TUNAKUTAKIA MAISHA MEMA NA KARIBU SANA MTWARA  
ISLAMIC SECONDARY SCHOOL.**

Wabillah Tawfiq  
**MKUU WA SHULE.**

**(“With Guidance we build a better Future”)**